

FPP BizNewz

June - November 2022

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

Endometriosis

Sejauh Mana Kesedaran Anda?

Personal Shopper

What You Need To Know

Sustainable Packaging in eCommerce

A Few Solutions to Protect the Planet

Type text here

How To Teach Your Children To Pack Their Backpacks For Travel? An Easy Guide

A Short Vacay in Hat Yai

My Sister, My Best Friend

Kredit Mikro di Malaysia

H0BI



Publication Date
8 November 2022

Photo by Matt Chambers on Unsplash

JUAL SALAM

Ahmad Nazuki @ Marzuki Yaakub
Akademi Pengajian Bahasa, UiTM Cawangan Terengganu

Mukaddimah

Pertama kali penulis mendengar ungkapan ini ketika masih belajar di sebuah sekolah menengah agama suatu masa dahulu. Baru sekarang terlintas untuk menulis dan membahas tajuk ini. Sebenarnya, Jual Salam merupakan salah satu urusanniaga dalam Islam (muamalat).

Definisi

Perkataan Salam itu makna asalnya adalah serah atau tanggung. Ini bermakna, menjual sesuatu barang yang disifatkan kepada tanggungan seseorang yakni jualan secara pesanan pada masa sekarang, atau sering disebut sebagai order.

Sandarannya sebelum ijmak firman Tuhan dalam al-Quran ertinya, "Wahai

orang-orang yang beriman, apabila berhutang antara kamu dengan hutang yang ditanggihkan pada suatu masa hendaklah kamu buat surat hutang", Al-Baqarah ayat 282.

Menurut Ibnu Abbas Radhiyallah Anhumma: "Ayat ini turun pada Jual Salam" (seolah-olah Jual Salam seperti memberi pinjaman wang kepada seseorang untuk dibayar dengan barang yang dikehendaki).

Rukun jualan secara pesanan ini ada lima perkara:

- Muslim (pemesan)
- Muslim ilaih (penerima pesanan)
- Muslim fih (barang yang dipesan)
- Ra'sulmal (modal atau harga)
- Sighah (ijab dan kabul)

Segala syarat pada jual beli disyaratkan juga pada Jual

Salam ini melainkan syarat melihat tidak disyaratkan padanya (Abdul Ghani Yahya 2011:26).

Dalam definisi lain berbahasa Arab (Bai' syai' mausuf fi' al-dhimmat bilafdi al-salam au salaf). (J/Kuasa Buku Teks Majlis 1977:22) ada disebut kalimat al-dhimmat, yang bererti kesetiaan, perasaan baik dan memegang janji (Sanusi 1976:50). Bila kita terjemahkan Jual Salam adalah sesuatu jualan yang diberi sifat dalam perjanjian dengan lafaz Salam atau Salaf.

Hukum Tempahan Awal (Pre-order)

Konsep tempahan awal (pre-order) yang sebenar ialah penjual membuka tawaran kepada pembeli untuk mendapatkan barangan. Biasanya, pembeli melakukan

Tempahan awal (pre-order) haram jika penjual menjual produk yang pada kebiasaannya susah untuk diserahkan kerana ada risiko tidak dapat diserahkan itu tinggi.

tempahan awal (pre-order) kerana beberapa sebab tersebut :

- Barangan tidak ada dengan penjual lain
- Barang belum ada di pasaran
- Tempahan awal (pre-order) ditawarkan lebih murah

Tempahan awal (pre-order) haram jika penjual menjual produk yang pada kebiasaannya susah untuk diserahkan kerana ada risiko tidak dapat diserahkan itu tinggi. Untuk menjalankan perniagaan berkonsepkan tempahan awal (pre-order) di platform atas talian seperti Lazada dan Shopee, ianya termasuk dalam bentuk jual beli salam (bayar dahulu barang dapat kemudian) dan juga kontrak ijarah (upah) yang disepakati fuqaha tentang keharusannya.

Tambahan pula, polisi pemulangan semula (return/refund) pada pelanggan dapat menghilangkan risiko barang tidak dapat diserahkan atau kemungkinan tidak sama spesifikasi yang selari dengan prinsip khiyar dalam Islam. Disarankan

juga, kepada peniaga yang ingin menjalankan perniagaan dengan konsep demikian, meminta kebenaran terlebih dahulu daripada pihak pembekal untuk menjadi wakil penjual bagi memastikan kemampuan barangan tersebut diserahkan kepada pembeli dan juga waktu serah terima tersebut (Mustafar Mohd Suki 2022:73).

Penutup

Jual Salam seperti pembelian secara atas talian, bayarannya hendaklah dilunaskan terlebih dahulu. Transaksi seperti ini dikenali dengan istilah E-dagang. Antara keburukan e-dagang dalam menjalankan aktiviti perniagaan ialah risiko jenayah siber menimpa pembeli adalah tinggi, usaha mendapatkan penggantian barang yang rosak, tidak memenuhi spesifikasi, mengambil masa yang lama dan pasaran bagi produk mungkin terhad kepada pembeli di kawasan bandar yang rata-rata menggunakan kemudahan internet (Azli Muhammad dan kawan-kawan 2022:124).

Rujukan

Abdul Ghani (Hj.) bin Haji Yahya (2011), Idaman Penuntut Pada Menghuraikan Yang Kusut, Cetakan ketujuh, Kuala Lumpur. Syarikat Bajrai.

Azly Muhammad & Kawan-kawan (2022), Nota & Latihan STPM Pengajian Perniagaan, Cetakan pertama, Petaling Jaya. Penerbit Ilmu Bakti Sdn. Bhd.

Jawatankuasa Buku-buku Teks (1977), Rantaian Fekah Islam Juzuk Keempat (Bahasa Arab), Cetakan ketiga, Kota Bharu. Majlis Agama Islam Kelantan.

Mohd. Sanusi (Hj.) bin Hj. Mahmood (1976), Kamus Istilah Islamiah, Cetakan pertama, Kota Bharu. Syarikat Dian Sdn. Bhd.

Mustafar Mohd Suki (2022), Empat Puluh Hadith Dosa Muamalat & Kewangan Islam, Cetakan pertama, Kuala Lumpur. Publishing House Sdn. Bhd.



BizNewz 2022
Faculty of Business and Management
Universiti Teknologi MARA Cawangan Terengganu, Kampus Dungun
Sura Hujung, 23000 Dungun, Terengganu, MALAYSIA
Tel: +609-8400400
Fax: +609-8403777
Email: biznewzuitm@gmail.com